



KEMENTERIAN PENDIDIKAN MALAYSIA

Jabatan Pendidikan Wilayah Persekutuan Kuala Lumpur  
Persiaran Tuanku Syed Sirajuddin  
50604 Kuala Lumpur

Tel : 03 6204 6000  
Fax : 03 6204 6801  
Portal : [jpwpkl.moe.gov.my](http://jpwpkl.moe.gov.my)

Ruj. Tuan :  
Ruj. Kami : JPWPKL.600-3/5/5 Jld.34 (66)  
Tarikh : *24* April 2025

**Ts. Izwan Hadi bin Zamhuri**

Ketua Pegawai Operasi  
Elvira Systems Sdn. Bhd.  
2-2A, Blok A, Jalan GC1  
63200 Cyberjaya  
Selangor

Tuan,

**MAKLUM BALAS PERMOHONAN PENGANJURAN DAN PELIBATAN MURID BAGI PROGRAM MICRO:BIT INNOVATION AND ROBOTIC COMPETITION 2025 (mIRC2025)**

Dengan hormatnya saya merujuk perkara di atas dan surat daripada pihak tuan bertarikh **22 April 2025** adalah berkaitan.

2. Sukacita dimaklumkan bahawa Jabatan Pendidikan Wilayah Persekutuan Kuala Lumpur (JPWPKL) telah menerima dan meneliti permohonan tuan bagi penganjuran program dan penglibatan murid dalam program di atas. Pihak JPWPKL sentiasa mengalu-alukan kerjasama dengan agensi kerajaan dan bukan kerajaan dalam program pembangunan kokurikulum di negara ini.

3. Sehubungan dengan itu, pihak JPWPKL mengambil maklum permohonan tuan serta **tiada halangan** bagi penganjuran program **Micro:Bit Innovation and Robotic Competition 2025 (mIRC2025)** mulai **1 Mei hingga 30 November 2025**. Walau bagaimanapun, pihak JPWPKL ingin menarik perhatian pihak tuan bahawa pelaksanaan program hendaklah mematuhi Surat Pekeliling Ikhtisas (SPI) dan Surat Siaran Kementerian Pendidikan Malaysia (KPM) seperti berikut:

- 3.1 **SPI KPM Bil. 7/1988** dan **SPI KPM Bil. 8/1995** Penyertaan Pelajar dalam pertandingan atau Kejohanan Sukan Anjuran Persatuan atau Badan Induk Sukan;
- 3.2 **SPI KPM Bil. 8/2009** Langkah-langkah Keselamatan Semasa Mengikuti Aktiviti/Program Lawatan di luar waktu persekolahan;
- 3.3 **SPI KPM Bil. 5/2018** Garis Panduan Perwakilan Kuasa daripada Ketua Pendaftar Institusi Pendidikan dan Guru kepada Pendaftar Bagi Kelulusan Permohonan Oleh Pihak Luar Menjalankan Aktiviti Melibatkan Murid, Guru dan Institusi Pendidikan Kementerian Pendidikan Malaysia;
- 3.4 **Surat Siaran Pengurusan Kokurikulum Bil. 2/2010** Garis Panduan Pelaksanaan Pendidikan (Kokurikulum) Tajaan Agensi Luar;

..2/-

4. Sehubungan dengan itu, pihak JPWPKL memohon kerjasama pihak tuan untuk memastikan perkara-perkara berikut dipatuhi:

- 4.1 Mendapatkan kebenaran Pengetua/Guru Besar bagi penyertaan guru dan murid;
- 4.2 Penyertaan murid hendaklah secara sukarela dan mendapat kebenaran bertulis daripada ibu bapa/penjaga;
- 4.3 Pihak penganjur adalah bertanggungjawab untuk mendapatkan kelulusan penganjuran program daripada pihak-pihak berkaitan;
- 4.4 Surat kebenaran/kelulusan ini tidak boleh digunapakai bagi maksud untuk mendapatkan sumbangan dan tajaan daripada mana-mana pihak berkenaan;
- 4.5 **Tiada unsur paksaan** kepada sekolah, guru dan murid untuk menyertai aktiviti tersebut;
- 4.6 Penyertaan murid dan guru **tidak mengganggu atau menjejaskan** waktu pengajaran dan pembelajaran (PdP);
- 4.7 Pihak penganjur adalah bertanggungjawab menanggung semua kos penganjuran program dan aktiviti yang dianjurkan termasuk pengangkutan, makan dan minum; **melainkan mendapat pertimbangan khas daripada Pendaftar**;
- 4.8 Pihak penganjur hendaklah memberikan maklumat program kepada pihak sekolah supaya pemakluman dapat dibuat kepada murid yang terlibat;
- 4.9 Pihak penganjur perlu memberikan laluan kepada murid dan guru yang terlibat untuk mengikuti program sekolah sekiranya aktiviti tersebut bertindih dengan aktiviti/program sekolah;
- 4.10 Pihak penganjur bertanggungjawab menguruskan insurans kemalangan yang bersesuaian dengan aktiviti yang dijalankan, menjaga kesihatan, keselamatan dan kebajikan semua murid terlibat;
- 4.11 Pihak penganjur dimohon untuk menerapkan amalan nilai murni pembinaan karakter murid dan nilai perpaduan dalam pelaksanaan program;
- 4.12 **Tiada implikasi kewangan** kepada JPWPKL, Pejabat Pendidikan Daerah (PPD), sekolah dan murid yang terlibat (**SPI Bil 5/2018**);
- 4.13 **Pihak JPWPKL berhak menarik balik surat kelulusan/kebenaran** sekiranya pihak tuan. **gagal mematuhi syarat dan peraturan** yang ditetapkan atau bercanggah dengan dasar KPM yang sedang berkuatkuasa.

5. Maklum balas program ini adalah untuk program yang dinyatakan seperti di atas dan **tamat tempohnya berakhir 30 November 2025**. Pihak tuan boleh menghubungi **Puan Saidah binti Muhamed** (Unit Pembangunan Bakat Murid, Sektor Pembangunan Murid, JPWPKL) melalui talian **03-6204 6856** atau e-mel **saidah.muhamed@moe.gov.my** untuk sebarang pertanyaan.

Sekian, terima kasih.

**“MALAYSIA MADANI”**  
**“BERKHIDMAT UNTUK NEGARA”**

Saya yang menjalankan amanah,



**(MEGAT AFFANDI BIN DATUK WIRA HAJI ISMAIL)**

Pengarah Pendidikan

Jabatan Pendidikan Wilayah Persekutuan Kuala Lumpur